

楊善興

蔡貴中

何同

黃浩然

黃章湖廣興國州人監生

黃惠廣西臨桂人監生宣德九年任

趙祿廣西武昌人監生正統八年任

黃森湖廣江陵人監生正統十四年任

任洪四川筠池人監生景泰三年任

俞義湖廣孝感人

周興湖廣邵陽人監生景泰六年任

何綸廣西蒼梧人監生天順七年任

蘇勝廣西靈川人吏員成化元年任

祝鐸浙江宣平人成化六年任

張倫福建邵武人監生成化十五年任

梁鏞廣西北流人監生成化二十一年任



江哲湖廣麻城人吏員嘉靖二十一年任

屠夔江西人監生嘉靖十五年任

陳嘉禮廣西賓州人監生六年任

李經

林貴容福建莆田人吏員正德五年任

曹勉學湖廣人監生六年任

張僑湖廣安鄉人監生正德十五年任

王儒江西吉水人知印嘉靖元年任

莫熙廣西脩仁人監生嘉靖四年任

莫簡廣西蒼梧人監生嘉靖十一年任

張鑑直隸安慶衛人監生致仕

孫從善直隸舒城人監生嘉靖二十年任

葉繼芳廣西馬平人監生嘉靖二十三年任

劉景哲江西上猶人監生嘉靖二十七年任

周禎浙江崇德人嘉靖三十一年任

趙紋江西上高人吏員嘉靖三十六年任



鍾 器廣西富川人歲貢嘉靖四十二年任

見名宦

丁 湜

周子愛浙江人

蔣 巖

吏員萬曆八年任

王 仁

萬曆九年任

陳嘉會

萬曆十一年任

傅以德

萬曆十四年任

戴舜臣

萬曆十六年任不貪不酷

熊維易江西南昌人監生萬曆十九年任

周 崧福建甌寧人吏員萬曆二十三年任

郭一儒直隸宣城人監生萬曆二十七年任

汪一正湖廣黃州府蘄水人吏員萬曆二十

九年任

徐大伸浙江金華府永康人知印萬曆三十

二年任



黃有仁江西建昌府南城人知印萬曆三十

五年任

馮汝濟浙江義烏人

陳惟寵福建龍津人

典史

宋

利 鑄韶州人

明

李 賢

楊 福福建人承差

高伯成

梁 通吏員



新會縣志  
卷之二  
九  
戚成

張千福建延平人吏員

劉文素山東人承差

黃忠廣西人吏員

曾文應江西人吏員

秦邦貴廣西人吏員

熊鼎江西豐城人吏員正統二年任

萬鍾湖廣興國人吏員正統四年任

曾友銘湖廣衡山人吏員正統六年任

包廷儀浙江臨海人吏員景泰五年任

羅俊景泰七年任見名宦

李克恭四川長壽人吏員天順元年任

何寶福建順昌人吏員天順四年任

黃輝惠州人監生成化二年任

覃本清廣西永淳人監生成化五年任

林鷹福建懷安人吏員成化十年任



魏高江西南昌人監生成化十七年任

鄔瑛江西豐城人吏員成化二十年任

毛海

陳獻

陳仕能

趙元怡

楊文光福建人

李評湖廣人

金瓊吏員正德八年任

陳收浙江臨海人吏員正德十二年任

賀恩湖廣人

屠鉞浙江鄞縣人嘉靖二年任

陳天球福建莆田人吏員嘉靖九年任

卷濟福建莆田人吏員嘉靖十五年任

徐冕江西豐城人吏員嘉靖二十年任

周景福福建上杭人吏員嘉靖二十三年任

臺灣國家圖書館 NATIONAL CENTRAL LIBRARY, TAIWAN, R.O.C.



吳一鶚福建人 吏員萬曆二十三年任

馬卿浙江錢塘人 吏員萬曆二十年任

林如卿 吏員萬曆十五年任

朱一鳳直隸涇縣人

金聲 萬曆四年任

黃謨 吏員萬曆八年任

趙子程 萬曆十一年任

周萬良 萬曆十六年任

楊夢熊直隸無錫人 吏員萬曆十九年任

陳文述福建莆田人 吏員萬曆二十一年任

陳惟振福建長樂人 吏員萬曆二十五年任

袁邦俊廣西全州人

鍾夢麟浙江山陰人 吏員萬曆三十年任

徐有幹 萬曆三十二年任

吳宗蕃福建龍溪人 吏員萬曆三十五年任

虞書



曹汴

吳宗奇 高 吳人 吏員 萬曆三十五年 卒

余青

萬曆三十二年 卒

鮑夢龍 臨山 劍人 吏員 萬曆三十年 卒

京味 劍黃西 全州人

刺 州 縣 數 身 樂 人 吏員 萬曆二十五年 卒

刺 文 丞 縣 數 簡 田 人 吏員 萬曆二十一年 卒

刺 文 丞 縣 數 簡 田 人 吏員 萬曆十六年 卒

儒學教諭

明

劉惟德

阮宗達

史達

胡澤

黃昂 江西崇仁人 洪武二十年任

劉履 江西人 洪武間任 見嶺南鼓吹聲詩



集

周必達

戴珏

陳義寔

胡南四川人舉人天順元年任

陳縉福建人由人材天順八年任

劉濬江西人舉人

陳昱福建人由人材

梅芳廣西人舉人

黃瓊廣西臨桂人舉人成化二十四年任

戴啟福建閩縣人舉人弘治壬戌登進士

黃科福建莆田人舉人弘治十五年任

沈鉞廣西橫州人舉人

林壇福建莆田人舉人正德十二年任見

大名宦

羅士實廣西柳城人舉人嘉靖五年任



黃士晏福建莆田人歲貢嘉靖十一年任

方濟廣西桂林人舉人嘉靖十四年任

沃惟祿浙江新城人監生嘉靖二十年任

李成春廣西宜山人舉人嘉靖二十四年任

以憂去

俞樟浙江崇德人歲貢嘉靖二十六年任

辭去人高之

蔡鍾福建永春人歲貢嘉靖三十一年任

陳元舉福建閩縣人歲貢

康日章由舉人嘉靖三十八年任以陞去

蕭學初江西廬陵人由舉人嘉靖四十一年

任以陞去

吳天賦福建龍巖人由歲貢嘉靖四十五年

任志行光潔以陞去

熊瀟福建甌寧人歲貢隆慶二年任以陞

去



支國柱廣西人由舉人隆慶五年任卒于官

蕭九州福建福寧人由歲貢萬曆元年任以

陞去

許符南直隸人由歲貢萬曆五年任以病

去

余天祿南直隸人由歲貢萬曆七年任以致

仕去

蕭端升湖陽人由舉人萬曆八年任陞瓊州

有去思碑有傳

陳欽宸潮陽人由舉人萬曆十三年任多壞

學規以憂去

林一岳福建羅源人由歲貢萬曆十七年任

以左遷去

鄧養真廣西全州人由舉人萬曆十九年任

以陞去

梁一道封川人由歲貢萬曆二十五年任以



吳陞去

龔遠銘曲江人由歲貢萬曆二十七年任以

致仕去

胡良工浙江泰順人由歲貢萬曆三十二年任教寬志勅力主塔議以不妄開劣等生忤督學左遷去

孫克恕廣西馬平人由舉人萬曆三十四年任以陞去

賴綵南雄府始興人歲貢萬曆三十五年任以左遷去

劉士覲廣西全州人舉人萬曆三十八年任陞祁陽知縣



對派調賦總

監士監原西全區人舉入漢學二十六平五  
及五卷六

應於行以次以人考百萬八三十五年

訓導

明

易禮

卓堅

黃清寧

唐智

鄭球

王均



王琛

詹肅福建漳浦人舉人天順元年任

董齡浙江臨海人舉人天順五年任

許端弘浙江天台人舉人天順七年任

馬華廣西人監生

羅聰江西吉水人舉人正統四年任

黃丁福建人舉人

蘭葆福建人監生

已上俱見舊誌

宮政江西人

尹傑廣西象州千戶所舉人

魏璫福建建安人

唐選福建侯官人

周祥江西清江人

林文璧福建人

莫文廣西臨桂人

魯禎浙江會稽人



周鼎江西吉水人

莊安期福建晉江人

陳賓廣西柳州衛官籍正德十六年任

蕭濬江西新塗人

王鵬福建人嘉靖八年任廣東鄉試中式

徐椿江西人嘉靖九年任

王天祈廣西平樂所人嘉靖十五年任

陳鳳儀福建侯官人嘉靖十五年任以陞去

李守正廣西宜山人歲貢嘉靖二十一年任

以陞去

朱應奎廣西宜山人歲貢嘉靖二十二年任

江逢恩廣西全州人歲貢嘉靖二十七年任

以陞去

張瓊廣西慶遠衛人嘉靖二十九年任以

陞去

沈亨福建晉江人歲貢嘉靖三十五年任



新會縣志 卷之三  
見名宦

楊

陳仕達福建羅源人歲貢嘉靖四十二年任

以左遷去

陳謨廣西人歲貢嘉靖四十三年任以陞

去

蕭文元湖廣沔陽人歲貢隆慶二年任以左

遷去

羅裝廣西馬平人歲貢隆慶四年任以陞

去

許逢陽福建詔安人歲貢萬曆一年任以左

遷去

張新江西大庾人歲貢萬曆三年任以陞

去

馮萬經廣西陸川人歲貢萬曆四年任辭歸

養親士林重之



郝 神廣西馬平人歲貢萬曆五年任以陞

馬 堪廣西桂平人歲貢萬曆十年任輕利

重士以陞去

伍 策保昌人萬曆十三年任未幾以憂去

士至今思之不衰

陳應禮廣西宣化人歲貢萬曆十四年任以

陞去

葉逢春澄海人歲貢萬曆十五年任性字戾

嗜勢利以陞去

魯思學河源人歲貢萬曆十七年任以陞去

彭延賓江西寧都人歲貢萬曆二十年任卒

于官士哀思之

聶 案始興人歲貢萬曆二十一年以病去

彭紹齡廣西來賓人歲貢萬曆二十六年任

以左遷去



鄒桂保昌人歲貢萬曆二十七年任清而  
免以陞去

殷庶博羅人歲貢萬曆二十八年任卒于  
官

劉庭萱福建漳浦人歲貢萬曆三十二年任  
以左遷去

于大猷浙江嘉興府嘉善人恩貢萬曆二十  
二年任以陞去

孔灝肇慶府高要人歲貢萬曆三十六年  
任以遷去

林天啓惠州府海豐人歲貢萬曆三十九年  
任卒于官

鄧觀政韶州曲江人歲貢萬曆四十年任  
翟河斗惠州府長寧人歲貢萬曆四十一年任



澄購如隋州曲玉人遊貢萬習四十半出

升卒千官

林天碧惠代訊誠豐人遊貢萬習三十六年

升以遊夫

歸奉製育高要人遊貢萬習三十六年

明 秩官表下

明

指揮

李霖宣德十年以千戶調來功陞指揮僉事

子翔襲調廣西柳州衛

潘欽原籍浙江虔州府青田縣石帆村人祖

茂林吳元年至洪武十七年功陞錦衣衛

中所世襲百戶生在襲授錦衣衛左所百

臺灣國家圖書館, NATIONAL CENTRAL LIBRARY, TAIWAN R.O.C.



鳳襲鳳為事失襲

事子雄襲功陞指揮同知雄子麟襲麟弟

倪敬正統十五年以千戶調至功陞指揮僉  
軍政寵生欽襲乙酉武舉欽生延襲見任

孫君達原千戶嘉靖三十三年敏以功陞指  
揮僉事敏子天雄雄子君達襲見任

千戶

田清洪武十七年調至無後

張藝洪武十七年調至無後

祝斌永樂四年以百戶調至功陞交趾又安

衛



宋斌洪武三年調至無後斌有創公署造城池之功

汪麟祖貴南雄千戶所副千戶永樂元年調至子義襲義子蛟蛟弟孜孜子元宗宗子汗汗子度襲度長子鳳故次子麟襲麟子受陞襲見任

陳宗智祖貴南京全椒入有功洪武三年陞授鎮撫二世陳文有功陞授副千戶調新

會守禦所子剛剛子政政子瑜瑜子銳銳子輪輪子應應熊熊子大印襲大印兩中武科三選軍政以恤軍士慎保守有功 誥授武略將軍父應熊贈武略將軍印子宗智襲以巡緝勤勞地方寧謐功薦奉 旨紀錄見軍政掌印兼僉書屯田

周應爵祖歷常山中護衛左所正千戶永樂十五年調至子安襲安子端端子成成子



定定子紹武武子愈昌昌孫應爵襲見任  
林清宣德八年調至無後

賀俊宣德八年子通襲無後

陳武宣德九年調至陣亡子雄襲無後

孫成浙江紹興左衛左所副千戶成化元年  
調至以功陞正千戶子昱襲昱子禮禮子  
敏襲武舉中式有重建所功嘉靖三十三  
年以功陞指揮僉事後見指揮列

歐學顏祖鉞貴州安南衛左所鎮撫永樂元  
年調至子全襲全子源襲以功陞實授百  
戶源子清襲以功陞副千戶清子舜舜子  
佐佐子俸俸子崇德德子學顏襲見任萬  
曆四十一年赴京以三中武科得授指揮  
體統行事

苑麟秋祖潔武德衛左所試百戶洪武十八  
年調至子萬襲萬子芳芳子忠襲以功陞



副千戶忠子正襲百戶署副千戶事正子

高子麗麗子麟秋襲見任

王崇政祖貴浙江右衛千戶所宣德二年調

至子剛襲剛子輔襲以功陞副千戶輔子

印綬綬子僑僑革職子崇政襲百戶見任

張煒祖信山東濟南府濱州人弘治三年調

至陣亡陞指揮僉事子俊襲正千戶以征

海有功弘治十七年陞指揮僉事子廷院

襲正千戶悅弟廷忭忭子武備備子煒襲

見任屢有功效地方煒授四品服色

俞大緯祖文略百戶大征有功陞副千戶陣

亡子上英襲陞正千戶英子大緯襲見任

吳繼爵直隸淮安山陽人祖脩有功洪武十

五年 欽陞廣州衛十七年調來二十五

年以功贈父柒昭信校尉脩子昌昌子海

海子縉故昌弟清襲宣德二年調征交趾



攻破昌岡賊寨陣亡當事不以聞清子琛  
琛子英英子寵寵子世祥故弟世傑襲屢  
有征功迭承欽錫壽八十傑子勳生員  
不仕勳子兆奇生員襲奇子繼爵襲  
恩授千戶見任辛卯甲午乙卯三中武科奉  
題准事例授衛指揮累選軍政奮勇獲盜  
數奉獎薦

百戶

潘光宇祖百善廣州左衛後所百戶洪武十  
七年調至子安襲安子雄雄子麟麟子勇  
勇士聰聰子應台台子光宇襲見任

魯印祖文學直隸涇縣人四世祖保兒洪武  
十七年以總旗調至成化二十年以功陞  
百戶子孔仁襲仁故侄承惠襲惠子印襲  
見任

吳祖昇洪武二十年調至子真襲真子



通通子淙淙子瑄瑄子良輔輔子故孫喬  
襲故第咨襲故子

俞良洪武二十九年調至子英襲英子敬敬  
第之子芳襲芳子禎禎子剛剛子文略襲  
以功陞副千戶陣亡略子上英襲後見千

戶列

殷壽浙江湖州府長興縣人洪武三十年調  
至子得襲得子旺旺子森森子隆隆子尚

思思子應調襲故第應高襲故第應

赴襲故絕昭穆應良猷襲見充本學生員

余 祖聰廣州後衛右所百戶宣德二年

調至聰子芳襲芳子靖遠陣亡遠第安遠  
襲遠子應麟麟子兆柄襲故子

單忠金山衛中所百戶宣德四年調至子銘

襲銘子澄澄子端端子武定襲故無襲



新會縣志 卷之二  
何可亮湖廣衡陽縣人始祖何秉受從軍歷  
陞總旗至高祖何彬以功陞實授新會新  
百戶故失襲成化十二年勾父通承總旗  
故正德七年文秀以功陞試百戶文秀子  
陽襲陽平易自處信義率人陽子倫襲倫  
故弟偉襲故絕兄可亮襲見任

商能湖廣宜城縣人始祖商希孟從軍有功  
陞總旗洪武十五年調新會所正德十二

年商純以功陞試百戶純子喬襲故喬弟  
楚襲故

嚴鎮權祖端直隸崑山人正統九年調至子  
信襲信故侄敬襲敬子明明子武旺旺子  
鎮權襲見任

陶應桓廣西鬱林州人世襲錦衣祖忠烈副  
使成三廣布政魯以世功奏請賜籍廣  
東魯子梁民由舍人以功陞廣州左衛左



所試百戶民子壯襲壯故侄洵優給應襲  
故弟潔襲 恩授左衛指揮僉事申萬曆  
壬午乙酉武科辭俸養母母張太守女年  
九十三潔以孝聞長子痰病次子應桓借  
襲帶銜指揮僉事見任

鎮撫

孫洪洪武三十年調至無後

閻聚正統十年調至子瑄襲瑄子德德子俊

雜職

明

松栢巡檢司巡檢

大瓦巡檢司巡檢

潮連巡檢司巡檢

藥逕巡檢司巡檢

牛肚灣巡檢司巡檢

沙岡巡檢司巡檢



沙村巡檢司巡檢

豐積倉大使

廣海倉大使

東亭驛驛丞今廢

規岡驛驛丞

河泊所河泊今廢

稅課局大使今廢

陰陽學訓術



二卷終

臺灣國家圖書館 NATIONAL CENTRAL LIBRARY, TAIWAN. R.O.C.



新會縣誌卷之三



閩龍巖王命璿君衡甫

邑鳴山黃淳叔化甫

邑泗水李以龍伯潛甫全修

學校

學校始於宋養士以田無可考者元學租米  
九十三石五斗中統鈔六錠四十二兩一錢  
然士或不給可謂薄矣及我



朝龍興首重儒道

高皇帝洪武二年詔天下郡縣立學齋膳廩  
未給于官用省臺部官會議生員入學責任  
守令于民間俊秀及官員子弟選充必須躬  
視人才俊秀容貌整齊年及十五之上已讀  
四書者方許入學各治一經考覈則在內監  
察御史在外按察司經巡到日視有不成材  
者黜退縣學設教諭一員總之禮律書共為

一科樂射數共為一科訓導二員分掌教之  
其制即成周之法也考試縣學諸生六員學  
不進者罰守令俸錢半月教諭及某科訓導  
各罰俸錢一月十二員學不進者罰守令俸  
錢一月教諭及某科訓導黜退十二員之上  
學不進者守令笞四十每歲考覈功課比上  
年有進有司教官便是稱職正統中始專任  
以提學其所以責成者至嚴且重也今也徒



事科第之文不知禮樂詩書爲何事而教之者亦不知其所掌爲何科其亦畔乎聖明之制矣

儒學在縣治東北宣化坊宋慶曆四年設元因之至正末燬惟存櫺星門石柱六  
明洪武三年知縣吳奉署學事儒士吳汝梅仍舊趾創建十五年例頒卧碑鐫勒于堂左十八年設守禦所開拓城垣逼近學宮教諭

劉惟德以爲言是年主簿傅霖乃徙于前百餘步眈舊址稍南建置如故惟堂之東創建射圃宣德八年知縣林廷芳修正統二年提學彭琬修天順二年知縣陶魯修弘治十二年知縣羅僑修正德八年知縣徐乾修嘉靖元年僉事陳剛祝品修八年颶風折櫺星門及牌坊兵備莫相修十一年頒御製敬一箴建亭及創啓聖公祠知縣張文鳳



因增建饌堂三間十二年僉事朱道瀾修建  
號舍三十餘間講堂一間十九年僉事李文  
鳳立尊經閣改泮池于櫺星門前建東西步  
雲浴沂二橋易泮宮坊為仰聖門立宮牆萬  
仞坊于前二十一年仰聖門東西垣墻圯二  
十二年知縣何廷仁修深九四十五丈廣五  
十三丈中先師廟九五間東西為兩廡前為  
戟門又前為櫺星門外為牌坊曰儒林曰泮

宮今廢廟後為明倫堂九五間輔以兩齋東  
曰進德西曰脩業各五間堂後為尊經閣東  
為啓聖祠三間兩廊各三間為號舍十二間  
為教官廨舍三間為講堂一間為號舍四十  
餘間為倉廩一間今廢二十九年提學張希  
舉題步雲橋曰芹藻揚芬浴沂橋曰雲虹吐  
耀三十三年學宮敬一亭啓聖祠仰聖門東  
西垣墻併學西號舍俱為颶風所壞三十四



年知縣熊坦重修啓聖宮祠創泮水中橋隆  
慶六年知縣伍睿主簿周子愛建天朝文獻  
坊于學前街建大觀亭于學宮左馬山之上  
萬曆十年署縣理問王夢麟修號舍十二年  
知縣袁奎教諭蕭端升建文昌閣于學宮左  
二十五年知縣周道行修聖殿明倫堂及門  
廡兩齋二十七年署縣事南雄府推官陳基  
虞修櫺星門及左右橋三十六年知縣王命

壻教諭賴彩移左右橋于東角上曰化龍橋

各有記

祭先師釋奠禮用春秋二仲上丁日各如

制前五日齋戒至日省牲陳設至聖位爵三登

鉶各一籩豆各八簋簋各一篚一豕一羊一

俱全升于俎奠毛血案下告瘞行三獻禮

祝文 見儀四配位行分獻禮爵各三登鉶各一籩

豆各六篚各一羊一豕一析為四升于俎東



新會縣志 卷之三  
哲每位爵一分獻爵中共釧一邊豆各四簋  
簋各一析豕一升于俎西哲如之東廡每位  
爵一分獻爵中共邊豆各四簋簋各一籩一  
析豕一升于俎西廡亦如之每月朔望日及  
新官履任之三日詣先師廟行香禮畢升明  
倫堂弟子講書有司非儒者則行禮而已  
祀風雲雷雨山川社稷城隍邑厲皆有司主之  
旗纛則武職主之禮見儀註

祭厓山全節廟縣正官主之祭日用春秋仲月  
上旬其儀如古帝王牲牛一羊一豕一  
制也

祭大忠祠用全節廟之明日牲用羊豕亦

制也禮見厓山誌

祭名宦鄉賢二祠禮釋奠畢有司行禮祭白沙  
丁侯陶公三祠禮亦如之凡祭祀禮生皆用  
邑學弟子員失儀者罰



慶賀禮凡

萬壽聖節禮元旦冬至掌縣印正官帥僚屬及所官先一日習儀于龍興寺至日黎明行禮于縣堂

朝覲禮每三載縣正預籍其土地人民之數與凡官吏臧否生民休戚具冊詣吏部以述職于

天子

鄉飲酒禮洪武十六年定圖式儀註令府縣城市鄉村一體舉行每歲正月望日十月朔日學官于儒學行禮酒殺官錢支辦前期縣長官為主具書速賓凡致仕官及民有齒德儒行者咸與至日于明倫堂行相見禮三揖而後至階三讓而後升堂主位于東南大賓位于西北僎位于東北介賓次壽者位于西南又其次者後之九十者六豆八十者五豆七



十者四豆六十者坐五十者立縣佐學官首  
領官倉巡庫務之屬序爵坐皆西向耆老儒  
士序齒坐皆東向學官一人為司正揚觶致  
辭生員一人講讀

御製大誥第五十八章讀

大明律文一章賓主立聽畢再揖然後坐首歌  
鹿鳴之章再歌南山之章三歌湛露之章酒  
不過九行賓主拜揖乃退坊隅鄉都亦于其

日百家自為一會輪年里長為主量備酒般  
集里中衆賓禮生講讀用社學師生或于申  
明亭或于各社行禮亦如之今下之行者廢  
矣

近歲督學使者謂鄉飲

朝廷重典風化攸關行府州縣僉舉賓介務要  
諮訪耆碩高士通國皆稱堪羽儀善類者覈  
實于兩月前開具姓名年歲行實并保舉師



生詳道批允方准敦請不得遲延以滋索詐  
如係勢力貪人賂囑請託濫報希圖索謝者  
訪出或別有所聞教官註劣考生員以賊論  
黜斷不姑息云云亦痛切時弊特加慎重之  
美意也

### 迎春禮禮

天子迎春東郊蓋以立春歲事所繇始農事所  
繇起故先王特重之邑以東郊無所歲前一

日迎之龍興寺儀節如故事鄉間民多出看  
春填塞衢路次日至時縣官祭勾萌神鞭春  
牛儀門外亦如故事既而飲春酒于堂士民  
家多細刺春菜集飲謂之介壽酒

鄉射禮洪武三年 詔天下儒學就學闢射圃  
習射以朔望日其有司官閒暇時與學官一  
體習射講書畢詣射圃行禮其鵠正南北向  
執事者各事其事至射位于三十步自後累



新會縣志 卷之三  
加至九十步張侯以布為之設正官中者擊鼓為節九賞酒中的用三爵中采用二爵司射必自下而上每射二人自縣官及弟子員以次為耦射俱畢納弓矢還詣主射正官前圍揖而退蓋約古制以從宜也其後去賞酒之制置解如禮揚之不中者取解立飲其禮不行久矣弘治十八年知縣羅僑縣丞魏汝賢教諭黃科乃率諸生譚以賢林紹光湯鶴

黃彥葉尚臺等損益儀禮器具及樂習之正德初提學林廷玉至縣觀射使諸生往郡學教肄于是嶺南射禮復行寔自新會始  
社學

高皇帝洪武八年制曰恁臺省大官人用心提調教各府州縣在城併鄉村但有三五千家便請個秀才開學教軍民之家子弟上學讀書不妨他本業務要成效欽此自是提學



監司實兼社學領之成化中提學晉江趙瑤  
吳人張習委知縣丁積揚如相繼舉行凡坊  
隅鄉都皆立社學嘉靖中提學張希舉復考  
選社學師之有儒行者分司教讀自是俊秀  
子弟日多造就盖有白云萬曆三十六年提  
學潘士達知縣王命璿復考選社學師復其  
身以優之

宣化坊社學二騎虎廟南山廟源清坊社學

二五顯巷顏屋巷禮義坊社學二雷山下白  
虎頭流杯村歸德都社學一市子步華萼都  
社學二龜山雷江中樂都社學二橫溪西溪  
湖居都社學二草草北到龍城村邑士湯雷  
捐地知縣張文鳳建瀧水都社學一凌涌懷  
仁新化遵名石碑古博登名平康得行文章  
潮陽古勞凡十一都社學俱未創建  
祭里社禮或鄉老都老里長及其鄉之長主之



或贊以社學師生 事見儀註

里社三坊各鄉都多不可勝錄而能立社規以  
勸善者在源清曰八角亭街社在禮義曰大  
圓洲社山人劉鳴世有記以篤行庠生  
社祭亦頗得化民成俗之義

社學訓規

何廷仁

邑大尹江  
西寧都人

嘗謂蒙以養正聖功也先王之教不明養正之  
功久缺今之社學猶有存羊之意但即其養蒙  
之實則又不過記誦詞章鈞取青紫而已所謂  
孝弟忠信禮義廉恥之教槩乎無聞而先王之  
遺意遂湮沒而不傳吾為此懼敦請諸賢賓禮  
社師講明古道而訓迪諸童蒙亦惟以養德性  
而正心術為本夫心術邪正之辨風俗之淳漓



係之使蒙養既正則風化轉移自有其機今不  
必過爲高深玄虛之說以爲教就以童子秉彝  
所不能已者導之已耳孩提之童無不知愛其  
親及長無不知敬其兄皆是童子不學而知不  
慮而能者苟順導之則禮樂之心油然而生矣至  
于讀書作文夫豈可少但亦要知所本聖經賢  
傳皆古人已行之迹使不導之誦讀研窮而開  
發其聰明則童子何以遠法乎聖賢而近反乎

身心其於所成終亦不遠是故必教之考古稽  
訓者正欲其沉潛反覆而存其心觀感興起而  
勵其志也然心之誠僞每因言而宣言之無文  
行之不遠故於所學亦莫究其淺深而考其誠  
僞是故又教之作文者蓋不專馳騁詞章之習  
亦不過豫養德性因言考行將摠胸中之蘊達  
之詞耳是讀書作文誠不可少矣然又必教之  
歌詩習禮者何也大抵童子憚拘檢而樂嬉遊



陽明先生訓規嘗謂教童子如草木之始萌芽  
舒暢之則條達摧撓之則衰痿譬之時雨露被  
草木莫不萌動發越自然日長月化若使冰霜  
剝落則生意蕭索日就枯槁故誘之歌詩者非  
但發其志意亦所以洩其吽號呼笑于詠歌宣  
其幽抑結滯于音節也導之習禮者非但肅其  
威儀亦所以周旋揖讓而動盪其血脉拜起屈  
伸而固束其筋骸也凡此皆順導其志意調攝

其性情潛消其鄙吝默化其粗頑使之日漸于  
義理而不苦其難日入于中和而不知其故是  
蓋先王立教之微意也苟遵是而行則蒙養自  
無不正人才出而風化自成其於先王之教庶  
乎其幾矣諸賢念之念之幸無溺時俗之言改  
廢繩墨



無不五人不出而風出自如其效夫王之好無  
蓋夫王立婚之婚意也尚豐長而行傾蒙養自  
美聖而不苦其難日人于中味而不味其好是  
其好計能出其禍者熈出其其味而對之日陳于

社學說

鳴山史氏黃淳曰吾嘗觀易于蒙而曰養養  
而曰正養正而曰聖功何謂也蓋童蒙無知無  
能而此心之良知良能何嘗不正正而曰養有  
優游涵濡于繩督之外使自化之之意孩提之  
童無不知愛其親敬其兄此所謂良知良能童  
蒙之正也就而養之以擴充其愛敬之良即可  
以至堯舜孟子曰人皆可以為堯舜又曰堯舜



之道孝弟而已矣此所謂聖功也若夫記誦之  
學詞章之習青紫之求何與于正何貴于養其  
于聖人之途日遠何以曰聖功今人心術之正  
每爲記誦詞章青紫所壞師之所以教弟子之  
所以學果能有知蒙之當養養之在正而能以  
聖功爲任者乎又曰大人者不失其赤子之心  
也所謂不失者亦養正云耳時乎教之詩書以  
博通乎今古時乎教之樂歌以流暢其性情時  
乎教之禮節以防範其動作無非養正爲事而  
全其良知良能之天是赤子而大人大人而聖  
人矣故曰聖功予少時猶有習孝經小學者今  
問諸社學師弟子胥不識吁世風益可知矣安  
得起朱子而與之語小學之道哉



新會縣志卷之三  
規制畧下  
壇廟  
社稷壇在縣北城外坐南向北深一十五丈廣  
二十丈周圍七十丈省牲所在壇之西南齋  
亭一所萬曆三十三年知縣周思稷修復  
山川壇在外城西坐北向南深一十七丈二尺  
廣三十四丈周圍六十五丈四尺省牲所齋

新會縣志卷之三  
規制畧下

壇廟

社稷壇在縣北城外坐南向北深一十五丈廣  
二十丈周圍七十丈省牲所在壇之西南齋  
亭一所萬曆三十三年知縣周思稷修復  
山川壇在外城西坐北向南深一十七丈二尺  
廣三十四丈周圍六十五丈四尺省牲所齋



新會縣志 卷之三  
房俱在壇東萬曆三十三年知縣周思稷修

山復聖在城內西門正對古岡山洪武三年知縣周思稷修

邑厲壇在社稷壇之南坐北向南深八丈廣七

丈周圍三十丈省牲所齋房俱有以上三壇

知縣丁積建至嘉靖十一年知縣張文鳳修

萬曆三十三年知縣周思稷修復

祈雨壇在圭峯頂知縣丁積立即古零壇

忠義壇在尾山全節廟門外之右嘉靖二十二年

年知縣何廷仁建以祀宋死義士卒

文廟 見學校

啓聖公廟 見學校

城隍廟在城內西門正對古岡山洪武三年知

縣吳奉建天順中知縣陶魯成化中知縣丁

積重修深二十五丈廣四丈五尺大堂三間

後堂五間儀門三間大門三間

李承箕撰廟碑文新會有城隍又有廟貌



在縣治西門內創始于明初天順末今  
憲使陶公縣丞時所重建也公嘗語箕曰  
鬼神之心固不可知觀其理之著見于外  
而執持吾前者如弓不張而發如矢不注  
而中隱然造化之柄也曩年西賊之來望  
吾城如銀山天塹以限隔之就予授首者  
不足言也其威靈有益于民如此又嘗遣  
人齎折稅銀之京師將抵羊城為賊所

劫乃下令得賊報者賞且告于城隍以必  
得賊為誓是夕卧廟中恍惚若有人撼予  
曰賊得矣予起出廟門行百步內一室燭  
光隱見喑喑聞人語云官銀為賊所劫我  
識其人而不知其姓名蓋嘗往來鬻販于  
此者也明旦使踪跡果得賊其威靈有益  
于民又如此然人徒知城隍有險之險與  
山川之執相為無窮而不知其無險之險



與天地萬物相為無窮有如是者於乎登山涉河東封西祀祗園靈境金闕瓊臺其地既非所以容民蓄衆又非所以崇德顯功方且低心衎衎覩覩而無所于抵止其為淫妄何如哉予已修其廟貌以嚴祀事子能為書之乎承箕于是次序其所以復作迎送神之曲使祀而告之於乎神兮與時偕行樂以和煦兮威以風霆下民咸殖兮奔走百靈若天命兮匪期報成滄海靈深兮崑崙言言上徹穹窿兮下則玄泉善與天通兮幽隱淪淵經緯冥冥兮轉坤旋乾二十六年知縣王交重修三十二年知縣余恩建感應門在儀門外

旗壽廟在守禦千戶所之後成化二年建嘉靖三年千戶孫敏重修深八丈廣四丈正堂三間外門一間萬曆二十九年重修



全節廟在厓山舊名慈元殿奉楊太后坐東向  
西弘治四年布政劉大夏建邑人趙思仁助  
役後十三年僉事徐紘奏請定今額入祀典  
正德九年知縣徐乾重脩趙思仁之子鵬助  
役深一十四丈正殿三間東西廡各三間碑  
亭一座

有諭祭文陳猷章慈元碑記張詡全節  
廟碑記凡名人弔古詩俱見厓山誌嘉靖

九年巡按李美以圭峯山幽勝望厓山建  
行宮深一十一丈廣五丈五尺正殿五間  
東西廡各三間儀門五間外門五間碑亭  
二座在儀門外左右嘉靖二十一年提學  
副使林雲同建議謂厓山全節大忠死所  
不應畏涉風波望祭圭峯請之巡撫蔡經  
巡按姚虞行縣復脩厓山全節廟毀圭峯  
行宮不許建復以懲怠也生員趙崇綱捐



銀脩理巡按郭文周復其家

大忠祠在厓山全節廟前坐東向西初名忠義祠縣丞陶魯建成化十二年魯為僉事奏請今額深二十二丈廣六丈正堂三間東西廡各五間儀門三間外門三間碑亭一座

陳獻章書大忠祠門云宇宙萬年無此事春秋一例昉諸公陳洙忠義祠碑記羅倫大忠祠碑記凡名人弔古詩文具見厓山

誌知縣丁積割廢寺田三頃餘以為全節大忠祀事復伍隆起後一人使守之後嘉靖九年同全節廟建行祠于圭峯山右坐西向東深十丈廣四丈二尺正堂三間兩廡各三間儀門三間大門三間有司自是舉祭惟在圭峯非典也嘉靖十一年知縣張文鳳始往厓山春祭張文鳳詩序云壬辰春三月朔日有事于厓山全節廟大忠



祠蓋不敢以圭峯久廢涉海一行亦不恐  
以獨員攝之他人也二十一年督學林雲  
同知縣何廷仁修復厓山生員趙崇綱捐  
資成之提學張希舉獎之萬曆三十年生  
員趙必靜復呈御史林秉漢行縣重修  
丁侯祠有二爲知縣丁積立一在歸德都白沙  
村坐北向南成化中邑人重建深八丈廣西  
丈正堂三間兩廊各三間儀門三間弘治間

建趙思仁助祭田三十二畝

陳猷章記丁侯爲縣六年卒于官歷觀我  
邑令自洪武迄今求丁侯未有也侯仕不  
爲已耻以俗吏自居始至著禮式一編擇  
立鄉都老各數人使統之俗淫于侈靡富  
者殫財貧者鬻產上無以爲教下無以爲  
守俗由是益壞鄉老以禮正之每歲按民  
丁產輸錢謂之均平錢上下交侵民受其



害侯量入爲出歲輸以還使民不知有役  
民甚賴之時有橫政虐民侯蹙眉曰守令  
之政在養民坐視其困而不救安在其養  
民也力請罷之雖以此得罪弗恤也侯之  
性畧于承奉而嚴于鬼神灌獻必親執事  
有恪春秋之祭肅如也凡祀典所載有功  
於名教者爲立祭田使人守之其不應祀  
者毀之至於接人也亦然可者與之其不

可者斥之其馭吏也不察察于案牘吏不  
敢欺其蒞衆也民服其威斷明能察奸偽  
鮮作夫縣令官卑賞罰不加于天下而天  
下治由是而知遠之近知風之自知微之  
顯故予嘗謂侯用世材其有所試矣夫豈  
苟哉侯以仕爲學政暇輒走白沙歲月內  
不知其幾顧何取於白沙耶甚矣人不可  
以無志也正其義不謀其利明其道不計



其功侯亦無所不願學而切于救民急先  
務也死之日耕者弔于野行者弔于途有  
嫗夜哭于其廬旦往問之云嫗何哭之哀  
也曰開歲役且至死者不可作也故侯之  
為縣多有可書其得民之實在節用去之  
十有二年邑人共立廟于白沙祀之如不  
得已焉者思侯之功哀之非以徼福于神  
也後來繼之者亦將有感於斯乎侯名積

字彥誠戊戌進士寧都人又詩云何時重  
借寇此地即桐鄉四海諸侯望千年一炷  
香書之門曰青史又添循吏傳白沙初見  
長官祠一在北門街坐東向西深六丈七  
尺五寸廣三丈一尺五寸正堂二間儀門  
三間弘治十五年建祭田四十九畝叅政  
羅僑記畧曰丁公有祠舊矣祠在白沙里  
蓋公甫先生鄉人為之以寓思也然未足



新會縣志 卷之三  
以慰輿情廣具瞻予知縣之明年得邇總  
府布政司分司一隙地乃命工剏蕪欲作  
公祠邑鍾宜勉見曰丁公遺愛在吾民今  
作祠宜勉愿以百金佐工費遂消日鳩材  
命逸民謝伯倚李循正主其事祠凡二座  
深橫若干祠成塑像其中歲時致祭如禮  
予嘗作祠記垂脫稿礮石待鐫以赴

召命不果今重過新會拜公祠祠右亦予同

時初公館以候諸太吏而前巡按高太和  
改作白沙祠今諸生議請復遷他所蓋有  
見也予再補祠記而拜識于石云按宜勉  
乃白沙門人鍾淑字也

吳刺史祠在縣東知縣吳懿德建以祀吳隱之  
後士民以懿德清白誠無媿于隱之遂配享  
焉

吳知縣祠邑人剏以祀吳拳在城南二祠地今



皆不可考蓋奉有建縣之功卒于官猶有墓存焉

三廣公祠在城外西門街坐西向東初爲敢勇祠成化十五年僉事陶魯建割廢寺田以祀陣亡者六十五人深二十丈五尺廣八丈五尺正堂五間東西廡八間外廳三間儀門三間

陶魯記國家承平日久正統間帥臣失守

廣右諸徭始爲邊患延及廣左高廉以東戍守迄無寧歲至天順間民窘甚寢起爲盜維時守令或暴或罷武夫制勝無術由是充斥所在騷然矣余自景泰甲戌來丞新會至是滿九載將去其民相率以保障乞留于上尋被命尹茲邑當時旁邑屢破有唇亡齒寒之憂予乃進諸父兄告之曰賊氣吞吾城矣不備必至若諸父兄願



留我必盡戮若子弟從我擊賊不然城壘  
雖堅未足守也諸父兄許諾退即選子弟  
之才者甲冑之堅者丁之壯者不日而集  
先是人心恟恟惟賊鋒之為畏至是始有  
固志邑西北當賊騎之衝相地為寨寨各  
有長其險于外者為長堵置堠火設邏卒  
以伺賊將至一寨有急諸寨畢應凡此所  
以扞其外也環郭為輔城溝其旁施鐵疾  
藜曉夜戒嚴燎火燭天桴鼓如雷所以防  
吾內也子弟以技擊相高遇賊輒殊死戰  
屢破之三數年間危者以安怯者以勇儻  
有被賊者恃此以為應援是豈余之所能  
哉實由

天子威德與諸父兄之教子弟之力也予累  
遷今秩子弟以功顯者冠帶受祿有差其  
尤可念者奮不顧身冒險阻觸白刃棄其



妻子死者實衆成化辛卯予巡視至邑俯  
仰今昔問諸父兄存歿諸父兄咸願作祠  
以祀之爲請于 欽差都憲韓公買地城  
西造屋三十間正北爲堂傍列兩廡命曰  
敢勇祠祀于此者通六十五人報死事也  
割廢寺田若干頃爲祭需復一人爲祠籍  
專掌之嗚呼死者有知其無憾乎因書其  
始末于此 弘治中知縣羅僑改陶公祠  
祀陶魯而以陣亡者配享于兩廡祭田八  
十二畝嘉靖間改今額

白沙祠初在北門街正德七年御史高公韶建  
以祀陳獻章

莆田林俊記白沙先生之崛起南海也不  
階一命其常布以老薦書連絡不得已起  
起而又去

憲考皇帝知其賢特授翰林檢討先生辭弗



就而去竟未嘗立于朝無所得于言無所  
施于政以收有尺寸之功然而孤風遠韻  
上溢旁流盡一世而仰服之目領者神降  
聞風者意往賢者式不賢者媿以阻且推  
埋胠篋脂貌漆中之流聽下風而馴素節  
黜浮鎮雅名儒高士後先焉先生于名教  
可謂雨澤枯水息焰風奪炎其盛矣乎先  
生沒一十有四年內江高君大和以御史

來按部惻然曰大賢君子身之所生政之  
所臨與凡過化之鄉莫不有祠表先民崇  
道化也先生白沙之祠顧獨無立非曠典  
歟抑非吾人責歟大叅黃君伯望僉憲王  
君叔毅爲立祠堂又求先生故嘉會樓而  
修葺之義風奮激遠邇騰歡舊門下士爲  
市田合若干畝以克祀匱侍御以俊辱先  
生知書來屬記嗚呼元氣會而名世生在



我南服楚春陵閩建安嘗當其盛而黃雲  
紫水亦宇宙川岳于今元氣之會意其時  
先生蓋當之矣先生身長八尺右臉有七  
黑子開穎絕人舉于鄉棄而從康齋先生  
學始求之博久之曰雜矣又求之靜久之  
曰偏矣雜佛老超佛老張朱二夫子先迷  
而後獲也遂以宋大儒爲依歸其立志甚  
篤向道甚勇涵養甚熟德器純粹脫落瀟

洒獨超造物牢籠之外寓言寄興于風烟  
水月雲鳥之間與天地同流擊壤同其自  
得舞雩相始終焉先生之德與措施之大  
致於是具矣用世之志阻于鄉爭名者而  
晦處無聞其窮其達其亦固有命耶夫麟  
之出爲其瑞也容有不知麟者龍之在田  
在淵其方所容模量耶時也者聖賢不能  
易得也君子收諸已者厚而外取諸名者